

Broj:L07-12/16
Datum:13.12.2016.

ZAPISNIK

Sa druge sjednice LEF-a u novom sazivu

Sjednica je održana u utorak, 13.12.2016. godine sa početkom u 14:00 sati.

Sjednici su prisustvovali: Općinski načelnik Mato Zovko, Predsjedavajući OV Žepče Muhamed Jusufović, Direktorica RAŽ-a Branka Janko, pomoćnik Načelnika za gospodarstvo i finansije Namik Malićbegović, pomoćnica Načelnika za graditeljstvo i prostorno uređenje Brigita Lovrić, direktor SMS „Žepče“ Zijah Malićbegović, ravnateljica Opće gimnazije KŠC Don Bosco Marijana Grlić, „Bositex“ d.o.o Žepče – Ferid Ajan, Frigošped d.o.o - Edin Čaušević, Jelinak d.o.o – Valentina Trogrlić, Teknotherm Engineering d.o.o – Ivo Klarić, Vin-metal d.o.o – Vinko Katava, JP Komunalno – Mirko Šumić, OZZ „Žepački rolend“ – Mirzet Krehmić, Fotograf –zlatar Dunder – Drago Dunder, LS-Econ d.o.o – Sabina Spahić, „K-Projekt d.o.o Žepče – Nikola Borovac.

Sjednici su prisustvovali i vijećnici u OV Žepče i to: Robert Bošnjak, Goran Jurić, Dragan Janko, Goran Tadić, Vedran Lovrić, Zoran Lučić, Elvis Botić, Franjo Mostarac, Ana Zlovečera Jukić, Rešad Hadžić, Asim Sinanović, Haso Mandžuka, Ivica Penić, Jozo Jukić. Ispred Službe za opću upravu i društvene djelatnosti sjednici je prisustvovao Ilija Barešić.

Za sjednicu je predviđen a potom i usvojen dnevni red:

1. Usvajanje zapisnika sa X sjednice LEF-a
2. Izvještaj o radu LEF-a za 2016. godinu
3. Informacija o usvajanju Lokalnog akcionog plana zapošljavanja Općine Žepče 2016.-2019. i Strategije za mlade Općine Žepče 2016. – 2020.
4. Informacija o novim projektima u koje je uključena Općina Žepče
5. Prijedlozi novih inicijativa u 2017. godini
6. Upoznavanje i razmjena mišljenja između novoizabranih vijećnika OV Žepče i članova Lokalnog ekonomskog foruma općine Žepče.

Nakon usvajanja dnevnog reda sastanka, Općinski načelnik Mato Zovko pozdravio je sve prisutne te izrazio očekivanja da će izabrani saziv Općinskog vijeća donositi kvalitetne odluke u svom mandatu te poželio svima uspješan rad.

Ad1 Usvajanje zapisnika sa X sjednice LEF-a

S obzirom da primjedbi na zapisnik nije bilo, isti je jednoglasno usvojen.

Ad2 Izvještaj o radu LEF- a za 2016. godinu

S obzirom da na predloženi Izvještaj nije bilo primjedbi, isti je jednoglasno usvojen i u toj formi će biti dostavljen Općinskom vijeću na usvajanje.

Ad3 Informacija o usvajanju Lokalnog akcionog plana zapošljavanja Općine Žepče 2016.-2019. i Strategije za mlade Općine Žepče 2016. – 2020

Informaciju je podnijela direktorica RAŽ-a Branka Janko. Naglasila je da su u izradu ovih dokumenata uključeni i vijećnici i članovi LEF-a te da su oba dokumenta donesena u 2016. godini. Vijećnicima i članovima LEF-a priložena je elektronska verzija dokumenata.

S obzirom da dodatnih komentara na dokumente nije bilo, informacija je primljena k znanju.

Ad4 Informacija o novim projektima u koje je uključena Općina Žepče

Informaciju je podnijela direktorica RAŽ-a Branka Janko.

Naglasila je da je Razvojna agencija Žepče u ime Općine Žepče aplicirala na više programa stranih donatora, i da su dobijeni potvrdni odgovori za pet projekata od kojih su tri uspješno započeli s krajem ove godine. Programi obuhvataju unaprjeđenje rada javne uprave, kreiranje povoljnog poslovnog okruženja, podrška MSP sektoru, poticanje zapošljavanje nezaposlenih osoba koje su na evidenciji Biroa (ranjive skupine). Također je naglasila važnost BFC certifikata koje je Općina Žepče dobila krajem 2015. Posebno je istakla da je zbog dosadašnjih uspješno realiziranih aktivnosti u okviru projekata, omogućeno MSP sektoru s područja općine Žepče da aplicira za grant sredstva koja su dostupna kroz ove programe.

Općinski načelnik Mato Zovko istakao je važnost da se svki odobreni projekat prevede na kvalitetan način prema pravilima donatora, što je svojevrsna ulaznica za naredne projekte kojim općina Žepče rješava problem infrastrukture ali i izradu strateških dokumenata kao i razvojnih projekata koji su fokusirani na kreiranje radnih mjesta. Općina Žepče je odlučila da se uključi i provodi projekte koji nude model rada na EU principima. Temelj sudjelovanja u ovim projektima jeste donošenje strateških dokumenata na lokalnom nivou na osnovu čega i strani donatori mogu da se upoznaju sa razvojnim ciljevima Općine.

S obzirom da rasprave na ovu temu nije bilo, informacija je primljena k znanju.

A5 Prijedlozi novih inicijativa u 2017. godini

Predsjednik LEF-a je, uvodno u ovu tačku, kratko informisao o proteklim inicijativama koje je LEF pokrenuo u prethodnom mandatu nakon čega je otvorio diskusiju.

Mirko Šumić – JP Komunalno, predložio je da se donese Odluka o ustupanju štandova na Gradskoj tržnici domaćim proizvođačima voća i povrća za prodaju svojih proizvoda, kao vid podrške Općine Žepče domaćim poljoprivrednicima.

Vinko Katava – Vin – Metal d.o.o Žepče predložio je da se razmotri njegov prijedlog o dodjeli besplatne godišnje karte za parkiranje jednog vozila poduzetnicima koji redovno plaćaju općinske naknade i takse, kao određeni vid poticaja privrednicima. Inicijativu vezano za besplatan parking privatnom sektoru predložio je i Edin čaušević, Frigošped.

Također, predložio je dvije inicijative vezane za Poslovnu zonu „XP“ Žepče i to postavljanje prometnih znakova na ulasku i izlasku iz Poslovne zone „XP“ Žepče kako bi se regulisao saobraćaj unutar zone, te obavezno zimsko održavanje puteva unutar zone.

Nikola Borovac – K Projekt d.o.o Žepče pokreće inicijativu da se uposlenima u privatnom sektoru osiguraju ili organizuju edukacije na temu pisanja projekata kako bi privatni sektor povukao više sredstava koji su mu namijenjeni. Također inicira da se radi na promociji i provođenju projekata energetske učinkovitosti kako bi se smanjio nivo zagađenja zraka u zimskom periodu. Dalje, Borovac predlaže da se lokalne firme i njihovi proizvodi više reklamiraju u cilju njihove konkurentnosti. Ove inicijative su već ranije dogovorene sa Razvojnou agencijom Žepče.

Ivo Klarić – Teknotherm d.o.o (Eagle technology d.o.o Žepče) predlaže rješavanje problema parkiranja uz cestu kroz IZ „Polja“ kako bi promet do proizvodnih hala u izgradnji bio nesmetan.

Edin Čaušević, Frigošped predložio je da se pod hitno riješi pitanje nelegalne prodaje roba na buvljoj pijaci u Preku.

Sabina Spahić, knjigovodstveni servis „LS-Econ“ Žepče istakla je da zakonski postoji mogućnost prodaje tekstila na otvorenom ukoliko je lice registrovani obrtnik te predlaže da, ukoliko Općina ima interes, da registrovanim trgovcima iznajmljuje po određenoj cijeni štandove na pijaci, da to i uradi.

Predsjednik LEF-a predlaže da se sve inicijative dostave u pismenoj formi.

Ad6 Upoznavanje i razmjena mišljenja između novoizabраниh vijećnika OV Žepče i članova Lokalnog ekonomskog foruma općine Žepče.

Kao uvod u ovu tačku dnevnog reda, Predsjedavajući OV Žepče, predstavlja značaj i funkciju javno-privatnog dijaloga u Općini Žepče. naglašava da je svrha javno-privatnog dijaloga, kreiranje povoljnog poslovnog okruženja i kvalitetnija komunikacija između javnog i privatnog sektora. Jusufović je predstavio i novi saziv OV za 2016. – 2020. godinu.

Predsjednik LEF-a Namik Malićbegović je predstavio kratak historijat LEF-a, dosadašnje rezultate a predstavio je i članove LEF-a ispred javnog sektora.

Valentina Trogrlić, dopredsjednica LEF-a, predstavila je članove LEF-a ispred privatnog sektora, dajući kratke informacije o datumu osnivanja firme, broju zaposlenih te osnovnoj djelatnosti i sektoru koji zastupa svaki predstavnik.

Za sjednicu je pripremljen i promo materijal LEF-a kao i brošura koja objedinjuje Politiku vođenja javno-privatnog dijaloga, Pravilnik o uspostavljanju i vođenju javno-privatnog dijaloga u Općini Žepče, Poslovnik o radu LEF-a, Reformsku agendu i Akt o malom poduzetništvu (SBA).

Na kraju tematskog dijela, predstavnici privatnog sektora su izrazili očekivanja od ovom saziva OV da donose odluke koje će donijeti napredak u Općinu Žepče.

Sjednica završava u 16:00 sati.

Predsjednik LEF-a
Namik Malićbegović